

範文正公文集

范文正公文集卷第五

律詩

赴桐廬郡淮上遇風三首

送韓瀆殿院出守岳陽

出守桐廬道中十絕

蕭灑桐廬郡十絕

新定感興五首

遊烏龍山寺

江干閑望

和章岷推官同登承天寺竹閣

齋中偶書

留題江秀才舊居

依韻酬周駸太博同年

依韻荅胡侍郎見寄

桐廬郡齋書事

留題方千處士舊居

依韻酬章推官見贈

蘇州十詠

依韻奉酬晏尚書見寄

又用前韻謝晏尚書以近著示及

陳質殿丞挽歌詞

送僧文光

依韻酬府判龐醇之見贈

依韻酬吳安道學士見寄

依韻酬吳春卿二首

應制賞花釣魚

過餘杭白塔寺

西湖筵上贈胡侍郎

江城對月

送向綜國博通判桂州

芝山寺

昇上人碧雲軒

郡齋即事

同年魏介之會上作

律詩

赴桐廬郡淮上遇風三首

聖宋非強楚，清淮異汨羅。平生仗忠信，盡室任  
風波。舟楫顛危甚，蛟龍出沒多。斜陽幸無事，沽  
酒聽漁歌。

又

妻子休相咎，勞生險自多。商人豈有罪，同我在  
風波。

又

一棹危於葉，傍觀亦損神。他時在平地，無忽險  
中人。

送韓瀆殿院出守岳陽

仕宦自飄然君恩豈欲偏  
纔歸劔門道忽上洞庭船  
墜絮傷春日春濤廢夜眠  
岳陽樓上月清賞浩無邊

出守桐廬道中十絕

隴上帶經人金門齒諫臣  
雷霆日有犯始可報君親

又

君恩泰山重爾命鴻毛輕  
二意懼千古敢懷妻

子榮

又

妻子屢牽衣出門投禍機寧知白日照猶得虎  
符歸

又

分符江外去人笑似騷人不道鱸魚美還堪養  
病身

又

有病甘長廢無機苦直言江山藏拙好何敢望



天闍、

又

天闍變化地所好必真龍軻意正迂闊悠然輕  
萬鍾、

又

萬鍾誰不慕意氣滿堂金必若枉此道傷哉非  
素心、

又

素心愛雲水此日東南行笑解塵纓劇滄浪無

限清、

又

滄浪清可愛白鳥鑑中飛不信有京洛風塵化  
客衣、

又

風塵日已遠郡枕子陵溪始見神龜樂優優尾  
在泥、

蕭灑桐廬郡十絕

蕭灑桐廬郡烏龍山靄中史君無一事心共白

雲空

又

蕭灑桐廬郡開軒即解顏勞生一何幸日日面  
青山

又

蕭灑桐廬郡全家長道情不聞歌舞事遶舍  
石泉聲

烏龍山泉  
實過公署

又

蕭灑桐廬郡公餘午睡濃人生安樂處誰復問

千鍾、

又

蕭灑桐廬郡，家家竹隱泉。  
令人思杜牧，無處不潺湲。

又

蕭灑桐廬郡，春山半是茶。  
新雷還好事，驚起雨前芽。

又

蕭灑桐廬郡，千家起畫樓。  
相呼采蓮去，笑上木

蘭舟、

又

蕭灑桐廬郡清潭百丈餘釣翁應有道所得  
是嘉魚此郡魚少而嘉

又

蕭灑桐廬郡身閑性亦靈降真香一炷欲老悟  
黃庭、

又

蕭灑桐廬郡嚴陵舊釣臺江山如不勝光武肯

教來、

新定感興五首

數仞黃堂上題名僅百賢孤高宋開府千載可  
拳拳、

又

山水真名郡恩多補諫官中間好田錫風月亦  
盤桓、

又

風物皆堪喜民靈獨可哀  
稀逢賢太守多是謫

官來、

又

去國三千里風波豈不賒回思洞庭險無限勝  
長沙、

又

江上多嘉客清歌進白醪靈均良可笑終日著  
離騷、

遊烏龍山寺

高嵐指天近遠溜出山遲萬事不到處白雲無

盡時異花啼鳥樂靈草隱人知信是棲真地林  
僧半雪眉、

江干閑望

江干日清曠寓目一楮節落葉信流水歸雲識  
舊峯蘭蓀誰共采鳬鴈自相從莫愛蘋風起波  
來千萬重、

和章岷推官同登承天寺竹閣

僧閣倚寒竹幽襟聊一開清風曾未足明月可  
重來晚意煙垂草秋姿露滴苔佳賓何以佇雲



集卷五  
八  
瑟與霞杯、

齋中偶書

狂愚多苦口幽遠獨甘心言路有餘責權門無  
去音忘憂曾扣易思古即援琴此意誰相和寥  
寥鶴在陰、

留題江秀才舊居

結舍近滄洲江山不外求我來明月夜更得主  
人留、

依韻酬周駿太博同年

孰敢先懷富貴圖良時須惜幾嗟吁衆心可致  
魏巍主上意思平兩兩符不稱內朝裨耳目多  
慙外補救皮膚子陵灘畔觀漁釣無限殘陽媚  
綠蒲一

依韻荅胡侍郎見寄

千年風采逢明主二寸襟靈慕昔賢待看朝庭  
興禮讓天衢何敢鬪先鞭

桐廬郡齋書事

千峯秀處白雲騎吏隱雲邊豈待招數仞堂高

誰富貴一枝巢隱自逍遙杯中好物閑宜進林  
下幽人靜可邀莫道官清無歲計滿山芝朮長  
靈苗

留題方干處士舊居

風雅先生舊隱存子陵臺下白雲村唐朝三百  
年冠蓋誰聚詩書到遠孫

時商孫楷方  
登進士科

依韻酬章推官見贈

姑蘇從古號繁華却戀巖邊與水涯重入白雲  
尋釣瀨更隨明月宿詩家山人驚戴烏紗出溪

女笑隈紅杏遮來早又拋泉石去茫茫榮利一  
吁嗟。

蘇州十詠

泰伯廟

至德本無名宣尼一此評能將天下讓知有聖  
人生南國奔方遠西山道始亨英靈豈不在千  
古碧江橫。

木蘭堂

堂上列歌鍾多慙不如古却羨木蘭花曾見霓

裳舞

白樂天爲蘇州刺史嘗教此舞

洞庭山

吳山無此秀，乘暇一遊之。  
萬頃湖光裏，千家橘熟時。  
平看月上早，遠覺鳥歸遲。  
近古誰真賞，白雲應得知。

虎丘山

昔見虎耽耽，今爲佛子巖。  
雲寒不出寺，劍靜未離潭。  
幽步薜垂徑，高禪雪閉庵。  
吳都十萬戶，煙瓦亘西南。

閭門

吳門聳閭闔迎送每躋攀  
水帝鄉路片雲師  
子山落鴻漁釣外斜柳別離間  
白傅歸休處盤桓幾厚顏

靈巖寺

吳王之離宮也下臨太湖

古來興廢一愁人  
白髮僧歸掩寺門  
越相煙波空去鴈  
吳王宮闕半啼猿  
春風似舊花猶笑  
往事多遺石不言  
唯有延陵逃遁去  
清名高節老乾坤

太湖

有浪即山高無風還練靜  
秋宵誰與期月華三萬頃

伍相廟

胥也應無憾至哉忠孝門  
生能酬楚怨死可報吳恩  
直氣海濤在片心江月存  
悠悠當日者千載祇慙魂

觀風樓

高堅郡西城觀風不浪名  
山川千里色語笑萬

家聲碧寺煙中靜紅橋柳際明登臨豈劉白滿  
目見詩情。

南園

西施臺下見名園百草千花特地繁欲問吳王  
當日事後來桃李若爲言。

依韻奉酬晏尚書見寄

徽音來景亳盛事聳吳鄉上象三台照高文五  
色章純如登樂府淵若測天潢寒谷春重煦幽  
宮草特芳感知心似血思報鬢成霜新定慙無



惠姑蘇惜未康堯湯餘水旱劉白舊風光北闕  
雲霓遠南園橘柚荒願聞歌畫一敢議賦長楊  
碌碌嘲須解循循教弗忘跡甘榮路外情寄聖  
門傍幾託爲魚夢江湖尚渺茫

又用前韻謝晏尚書以近著示及

祖述賢人業何因降五鄉周公舊才美夫子近文  
章逸氣彌衝斗雄源甚浹漢月中靈桂老春外  
寶芝芳遠似天無翳清如塞有霜日星圖舜禹  
金石頌成康

謂真廟神  
御頌也

渦曲風騷盛

謂游渦  
之作也

營

丘學校光

謂青社州學記也

至精含變化大手鑿洪荒

松嶽詞欺甫甘泉價掩楊滿朝當調誦終古豈遺忘恍若探龍際森疑履虎傍半生游此道觀海特茫茫

陳質殿丞挽歌詞

賢者逝如斯皇天豈易知衆人皆墮淚君子欲安碑幾世傳清白滿鄉稱孝慈賢哉生今嗣遺秀在蘭芝

送僧文光

一品山前識迢迢三十春多慙盡戟裏重見白雲人

依韻酬府判龐醇之見寄

二十年前已定交而今鵬鷄各逍遙但能賈傅

親前席何必蕭生意本朝直節羨君如指佞孤

根憐我異凌霄

凌霄花名  
生且有託

莫將富貴移平昔彼此

清心髮半凋

依韻酬吳安道學士見寄

聖君賢相正彌綸諫諍臣微敢徇身但得葵心  
長向日何妨駕足未離塵豈辭雲水三千界猶

濟瘡痍十萬民宴坐黃堂愧無限隴頭元是帶  
經人

依韻酬吳春卿二首

來章有鶴羸松冷之句  
因以松鶴命題以答之

鶴

華亭孤立病時身終日徘徊尚海濱  
露掌思高還警夜芝田音斷欲傷春  
千年靈氣何求藥八變奇姿已過人  
莫厭在陰猶寡和九臯非晚見精神

松

亭亭百尺棟梁身寂寞雲根與澗濱寒冒雪霜  
寧是病靜期風月不須春蕭蕭遠韻和於樂密  
密清陰意在人高節直心時勿伐千秋爲石廼  
知神

應制賞花釣魚

萬彙嘉亨日皇心豫宴辰華林新濯雨靈沼正  
涵春帝幄紛仙藹天鈎擲錦鱗洋洋頌睿唱賡  
頌浹簪紳。

過餘杭白塔寺

登臨江上寺。遷客特依依。遠水欲無際。孤舟曾未歸。亂峯藏好處。幽鷺得閑飛。多少天真趣。遙心結翠微。

西湖筵上贈胡侍郎

官秩文昌貴。功名信史褒。朝廷三老重。鄉黨二疎高。涯業盡圖籍。子孫皆俊髦。西湖天下絕。今日盛遊遨。

江城對月

南國風波遠。東門冠蓋回。多情是明月。相逐過

江來、

送向綜國博通判桂州

通籍三公後監州五嶺深欲知明主意將慰遠  
人心歲計多藏藥舟行不廢琴歸書清白最寧  
問橐中金、

芝山寺

樓殿冠崔嵬靈芝安在哉雲飛過江去花落入  
城來得食醵朝聚聞經虎夜回偶臨西閣望五  
老夕陽開、

昇上人碧雲軒

愛此詩家好幽軒絕世紛澄宵半床月淡曉數  
峯雲遠意經年就微吟並舍聞只應虛靜處所  
得自蘭芬

郡齋即事

三出專城鬢似絲齋中蕭灑過禪師近疎歌酒  
緣多病不負雲山賴有詩半雨黃花秋賞健一  
江明月夜歸遲世間榮辱何須道塞上衰翁也  
自知



同年魏介之會上作

寒苦同登甲乙科天涯相對合如何心存闕下  
還憂畏身在樽前且笑歌閑上碧江游盡鷁醉  
留紅袖舞鳴鼉與君今日具良會自信麤官樂  
事多

范文正公文集卷第五

范文正公文集卷第六

律詩

依韻酬黃灝秀才

贈鍾道士

道士程用之爲余傳神因題

送魏介之江西提點

遊廬山作

瀑布

贈廣宣大師

移丹陽郡先遊茅山作

贈茅山張道士

京口即事

懷慶朔堂

依韻酬葉道卿中秋對月二首

贈葉少卿

依韻荅梁堅運判見寄

城大順回道中作

依韻和延安龐龍圖柳湖

和延安龐龍圖寄岳陽滕同年

與張燾太博行忻代閒因話江山作  
過長安醉別資政鄭侍郎

依韻酬光化李簡夫屯田

依韻酬太傅張相公見贈

依韻酬益利鈐轄馬端左藏

依韻酬邠州通判王稷太博

依韻酬李光化見寄

寄安素高處士

酬李光化見寄二首

依韻酬李光化敘懷

和李光化秋詠四首

送黃灝負外

和并州大資政鄭侍郎秋晚書事

和提刑趙學士探梅三絕

和太傅鄧公歸遊武當見寄

即席呈太傅相公

紀送太傅相公歸闕

依韻和提刑張太博寄梅

又和賞梅

依韻荅王源叔憶百花洲見寄

獻百花洲圖上陳州晏相公

依韻荅青州富資政見寄

依韻荅并州鄭大資見寄

過陳州上晏相公

和運使舍人觀潮二首

依韻和蘇州蔣密學

依韻和孫之翰對雪

依韻和并州鄭宣徽見寄二首

依韻荅蔣密學見寄

依韻和同年朱兵部王賓客交贈之什

登表海樓

石子澗二首

依韻荅韓侍御

謝柳太博惠鶴

律詩

依韻酬黃灝秀才

再貶鄱川信不才子規相愛勸歸來客心但感  
江山助天意難期日月回白雪孤琴彌冷淡浮  
雲雙闕自崔嵬南方歲晏猶能樂醉盡黃花見  
早梅

贈鍾道士

曾舉進士

人間無復動機心掛了儒冠歲已深唯有詩家  
風味在二壇松月伴秋吟

道士程用之爲余傳神因題



貌古神疎畫本難因師心妙發毫端無功可上  
凌煙閣留取雲山靜處看

送魏介之江西提點

旌旗如火浪如鷗一路春城次第遊江上高樓  
欲千尺便從今日望歸舟

遊廬山作

五老閑遊倚舳艫碧梯嵐逕好程途雲開瀑影  
千門掛雨過松黃十里鋪客愛往來何所得僧  
言榮辱此閒無從今愈識逍遙旨一聽昇沈造

化鑪、

瀑布

迥與衆流殊發源高更孤下山猶直在到海得  
清無勢鬪蛟龍惡聲吹雨雹麤晚來雲一色詩  
句自成圖、

贈廣宣大師

憶昔同遊紫閣雲別來三十二回春白頭相見  
雙林下猶是清朝未退人、

移丹陽郡先遊茅山作

丹陽太守意何如先謁茆卿始下車  
竭節事君三黜後收心奉道五旬初  
偶尋靈草逢芝圃欲叩真關借玉書  
不更從人問通塞天教吏隱接山居

贈茅山張道士

有客平生愛白雲無端半老尚紅塵  
只應金簡名猶在得見仙巖種玉人

京口即事

突兀立孤城詩中別有情地深江底過日大海心

生甘露樓臺古金山氣象清六朝人薄命不見  
此昇平

懷慶朔堂

慶朔堂前花自裁便移官去未曾開年年憶著  
成離恨只託春風管句來

依韻酬葉道卿中秋對月二首

天遣今宵無寸雲故開秋碧掛冰輪詩人不悔  
衣霑露爲惜清光豈易親

孤光千里與君逢最愛無雲四望通處處樓臺

競歌宴的能愛月幾人同、

贈葉少卿

退也天之道東南事了人風波拋舊路花月伴  
閑身湖外扁舟遠門中駟馬新心從今日泰家  
似昔時貧見子登西掖攜孫過北鄰白雲高閣  
曙淥水後池春樽酒呼前輩鑪香叩上真只應  
陰德在八十富精神、

依韻荅梁堅運判見寄

蔽野旌旗色滿山笳吹聲功名早晚就裴度亦

書生

城大順回道中作

三月二十七羌山始見花將軍了邊事春老未  
還家

依韻和延安龐龍圖柳湖

種柳穿湖後延安盛可遊遠懷忘澤國具賞即  
瀛洲江景來秦塞風情屬庾樓劉琨增坐嘯王  
粲斗銷憂秀發千絲墜光搖匹練柔雙雙翔乳  
鷺兩兩睡馴鷗折翠贈歸客濯清招隱流宴回

銀燭夜吟度玉關秋勝處千場醉勞生萬事浮  
主公多雅故

余與龍圖公同年復爲延安交政

思去共仙舟

### 和延安龐龍圖寄岳陽滕同年

優游滕太守郡枕洞庭邊幾處雲藏寺千家月  
在船疎鴻秋浦外長笛晚樓前旋撥醅頭酒新  
魚縮項鰯宦情須淡薄詩意定連綿迴是偷安  
地仍當飽事年只應天下樂無出日高眠豈信  
憂邊處胡兵隔一川

時宣撫至  
岢嵐軍

與張燾太博行忻代間因話江山作

數年風土塞門行說着江山意暫清求取罷兵  
南國去滿樓蒼翠是平生

過長安醉別資政鄭侍郎

鄉關交復親把酒且逡巡共上青雲路相看白  
髮人有爲須報國無事即頤神故素幾云在風  
音莫厭頻

依韻酬光化李簡夫屯田

老來難得舊交遊莫歎搏前兩鬢秋少日苦辛  
名共立晚年恬退語相投龔黃政事聊牽強元



白鄰封且唱酬  
附郭田園能置否  
與君乘健早歸休

依韻酬太傅張相公見贈

出處曾無致主功  
南陽爲守地猶雄  
醉醒往日慙漁父  
得失今朝賀塞翁  
七里河邊歸帶月  
百花洲上嘯生風  
卧龍鄉曲多賢達  
願預逍遙九老中

依韻酬益利鈐轄馬端左藏

濫登清顯遇公朝  
豈有才謀可致堯  
拙守自慙

成木強官游誰歎僅蓬飄醉來多謝提壺勸歸  
去寧煩杜宇招好樂當年開口笑此心無事愧  
重霄、

依韻酬邠州通判王稷太博

南豳日日接英標公外追隨豈待招惡勸酒時  
圖共醉痛羸棊處肯相饒二拋言笑如何遣頻  
得音書似不遥獨上西樓爲君久滿城明月會  
雲銷、

依韻酬李光化見寄

南陽偃息養衰顏  
天暖風和近楚關  
欲少耦時當止足  
得無權處始安閑  
心憐好鳥來幽院  
目送微雲過別山  
此景此情聊自慰  
是非何極任循環

寄安素高處士

吏隱南陽味日新  
幕中文雅盡嘉賓  
滿軒明月清譚夜  
共憶詩書萬卷人

酬李光化見寄二首

交親莫笑出麾頻  
不任織機只任真  
遠護玉關

猶竭力入陪金鉉敢周身素心直擬圭無玷晚  
節當如竹有筠道本逍遙惟所適吾生何用蠖  
求伸

萬里承平堯舜風史君尺素本空空庭中無事  
吏歸早野外有歌民意豐石鼎鬪茶浮乳白海  
螺行酒灩上聲波紅宴堂未盡嘉賓興移下秋光  
月色中

依韻酬李光化敘懷一

列宿專城且自娛清名善最即前途江山樂國

誠難會風月詩家的不辜未必晚成輸早達好  
將高笑代長吁公餘更勵經邦業思爲清朝贊  
禹謨

和李光化秋詠四首

曉

墻外轆轤響樓前江漢歌曙光和月色猶記早  
朝時

晝

日色清如照前林葉未零海東新隼至二點在

青冥、

晚

晚色動邊思去年猶未歸戎樓人已冷自斷望  
征衣、

夜

春色人皆醉秋宵獨不眠君看明月下何似落  
花前、

送黃灝負外

三十餘年交舊心相逢那復議升沈卑飛塵土

味誠薄達官風波憂更深自古榮華渾一夢  
即時歡笑敵千金追陪未久還離索早晚軒車重  
見尋

和井州大資政鄭侍郎秋晚書事

太原兵重壓強胡莫對秋風憶鱸鱸萬里天聲  
揚紫塞十年人望在黃樞定應松栢心無改白  
信雲龍道不孤應笑病夫何所補獨能安坐養  
來榆

和提刑趙學士探梅三絕

蕭條臍後復春前雪壓霜欺未放妍昨日倚欄  
枝上看似留芳意入新年。

靜映寒林晚未芳人人欲看壽陽粧玉顏須傍  
韶春笑莫鬪嚴風與惡霜。

百花爭早孰過梅天與芳時豈待催莫惜黃金  
置清賞隔年春色爲君開。

和太傅鄧公歸遊武當見寄

三提相印代天工鄧國歸來耀本封此日神仙  
丁令鶴幾年霖雨武侯龍酬恩定得祠黃石談



道須期會亦松莫慮故鄉陵谷變武當依舊碧  
重重。

即席呈太傅相公

鳳池三入冠台躔致了昇平一品閑白傅歌詩  
傳海外晉公桃李滿人間上都雲遠經時別故  
國春濃幾度還太史占天應有奏壽星光彩近  
南山。

紀送太傅相公歸闕

搢紳誰敢望差肩獨向昌期協半千首會雲龍

游少海親扶日月上中天碧油兩就元戎鎮黃  
閣三提豕宰權坐致唐虞成大化退居師傅養  
高年開坡丹訣開鑪竈醉度清歌被管絃同勝  
幾人登將相滿朝今日羨神仙松楸薤草思純  
孝里巷揮金過昔賢歸赴誕辰知允說輕安拜  
舞壽觴前

依韻和提刑張太博寄梅

數枝梅寄寂寥人多謝韶華次第均穰下此花  
留未發待君同賞後池春

又和賞梅

故人爲使富天才相與抽毫賦早梅氣艷未勞  
橫玉笛風光先合倒金罍隴頭欲寄交情遠林  
下初逢病眼開必若和羹羹有遺味花王應亦命  
公台

依韻荅王源叔憶百花洲見寄

芳洲名冠古南都最惜塵埃一點無樓閣春深  
來海鷺池塘人靜下仙鳥花情柳意憑誰問月  
彩波光豈易圖漢上山公發新詠許昌何必詫

申湖申或作西

獻百花洲圖上陳州晏相公

穰下勝遊少此洲聊入詩  
百花爭窈窕二水自連漪  
潔白憐翹鷺優游羨戲龜  
闌干紅屈曲亭宇碧參差  
倒影澄波底橫煙落照時  
月明魚競躍春靜柳閑垂  
萬竹排霜仗千荷卷翠旗  
菊分潭上近菊花潭在郡之西郊因有菊潭門復有菊潭鎮近取菊植于洲中洲有高臺遂命之曰菊  
臺梅比漢南遲京洛而南至鄧始有梅焉梅比襄陽又晚一月  
岸鵲依人喜汀鷗不我疑  
絲絲穿石節襄鄧間舊俗正月游

河取小石通中者用  
絲絲穿之帶以爲祥

羅襪踏青期素髮頻來醉滄  
浪減去思步隨芳草遠歌逐盡船移繪寫求  
真賞緘藏獻已知相君那肯愛家有鳳皇池

依韻荅青州富資政見寄

樞府當年日贊襄隱然一柱在明堂親逢英主  
開前席力與皇家正舊章直道豈求安富貴純  
誠惟欲助清光龔黃政事追千載齊魯風謡及  
萬箱偉望能令中國重奇謀曾壓北方強故人  
待看調元後乞取優游老洛陽

依韻荅并州鄭大資見寄

節制重并汾淹留又見春  
年高成國老道在樂天真  
風韻應如舊精明迴絕倫  
致君心未展寧是式微人

過陳州上晏相公

曩由清舉玉宸知今覺光榮冠一時  
曾入黃扉陪國論重來絳帳就師資  
談文講道渾無倦養浩存真絕不衰  
獨媿鑄顏恩未報捧觴爲壽獻聲詩

和運使舍人觀潮

何處潮偏盛錢唐無與儔誰能問天意獨此見  
濤頭海浦吞來盡江城打欲浮勢雄驅島嶼聲  
怒戰貔貅萬疊雲纔起千尋練不收長風方破  
浪二氣自橫秋高岸驚先裂羣源怯倒流騰凌  
大鯨化浩蕩六鼇遊北客觀猶懼吳兒弄弗憂  
子胥忠義者無覆巨川舟

又

把酒問東溟潮從何代生寧非天吐納長逐月虧

盈暴怒中秋勢雄豪半夜聲堂堂雲陣合屹屹  
雪山行海面雷霆聚江心瀑布橫巨防連地震  
羣楫望風迎踊若蛟龍鬪奔如雨電驚來知千  
古信回見百川平破浪功難敵驅山力可并伍  
胥神不泯憑此發威名

依韻和蘇州蔣密學

餘杭偶得借麾來山態雲情病眼開此樂無涯  
誰可共詩仙今日在蘇臺

白樂天謂韋蘇州為詩仙

依韻和孫之翰對雪



江干往往臘不雪今喜紛紛纔孟冬廼知王澤  
寢及遠益明天意先在農有年預可慰四海大  
瑞且當聞九重況此湖山滿清思與君交唱若  
爲慵

依韻和并州鄭宣徽見寄二首

錢唐作守不爲輕況是全家住翠屏名品久叅  
卿士月部封全屬斗牛星仁君未報頭先白故  
老相看眼倍青最愛湖山清絕處晚來雲破雨  
初停

又

西湖載客恣游從湖上參差半佛宮  
回顧隙駒曾不息沈思樽酒可教空  
層臺累榭皆清曠萬戶千門盡鬱葱  
向此行春無限樂却慙何道繼文翁

依韻荅蔣密學見寄

東南爲守慰衰顏憂事渾祛樂事還  
鼓吹夜歸湖上月樓臺晴望海中山  
奮飛每羨冥鴻遠馳騁那慙老驥閑  
此日共君方偃息是非榮辱任

循環

依韻和同年朱兵部王賓客交贈之什  
鶴禁蘭宮達了身高居南闕重爲鄰西園冠蓋  
時時會北海樽壘日日親共弃榮華拋世態同  
歸清靜復天真一如劉白東都下更得裴公作  
主人

登表海樓

一帶林巒秀復奇每來凭檻即開眉好山深會  
詩人意留得夕陽無限時

石子澗二首

鑿開奇勝翠微間  
車騎笙歌暮未還  
彥國才如謝安石  
他時即此是東山

又

飛泉落處滿潭雷  
一道蒼然石壁開  
故老相傳應可信  
此山雲出雨須來

依韻荅韓侍御

雖叨世契與隣藩  
東道瞻風御史尊  
鄭館昔時延下客  
予執卷時即于家  
今日見高門

遊端公之門

端公之先君嘗

集卷之  
三十四  
作金陵  
我居方面榮爲懼君向臺端直且溫彼  
此中懷蘊金石不須銷黯動離魂

謝柳太博惠鶴

新詩遺鶴指真經對此仙標詎敢輕  
萬里華亭思去伴千年遼海識歸程  
鷄羣與處曾非辱鵬路將翔孰謂榮  
獨愛九臯嘹唳好聲聲天地爲之清

范文正公文集卷第六